



## Termu Referénsia

### Bolsa Pesquisa Historica

Nú. 17../ToR/DPM/III/2025

#### I. Introdusaun

Centro Nacional Chega! I.P (Centro Chega!) harii ho misaun atu sai hanesan *Centro Post-Confliito* ne'ebé prezerva memória pasadu nian hodi promove direitu no valór umanu nian. Misaun ida-ne'e atu hatan ba vizaun Centro Chega! nian katak harii sosiedade inkluzivu, la repete istória moruk pasadu nian, moris iha dame no respeito ba direitu umanu (Dekretu-Lei N°48/2016).

Signifika katak memória kolektiva pasadu nian estadu konsidera nu'udar elementu determinante ba promove direitu no valór umanu nian, nune'e mós prosesu sira ba harii dame no sosiedade inkluzivu nian inklui justisa tranzitóriu no rekonsiliausaun. Tan ne'e dokumentasaun no prezervasaun ba memória kolektiva pasadu nian sai hanesan nesidade urjente ida.

Responde ba kestaun ne'e, iha tinan ida-ne'e, haktuir Planu Anuál 2025 nian, liuhosi Divizaun Prezervasaun no Memorializasaun (DPM), Centro Chega! inisia atividade ida-ne'ebé hanaran Apoiu Bolsa Pesquisa. Atividade ida-ne'e atu fó insentivu ho forma fundu kiik ba akadémiku no peskizadór sira ne'ebé iha iniciativa atu halo peskiza iha área istória, memória, no disciplina relevante sira seluk ho finalidade atu prodús narrativa istória ka obra akadémiku relevante hodi dizemina ba públiku.

Haktuir política memorializasaun Centro Chega! nian, produsaun narrativa istória no ninia dizeminaun ba públiku ne'e atu hamosu diskursu públiku ne'ebé aseita katak eziste narrativa oin-oin (*multiple narrative*) no esperiénsia oin-oin ne'ebé mak fó impaktu ba harii pás, justisa, no asegura katak violénsia konflitu pasadu nian sei la akontese tan.

Tan ne'e atividade ida-ne'e hanesan plataforma ida hodi kontribui ba atinje metas boot Centro Chega! nian katak memória istória sira prezervadu, no sai hanesan lisaun aprendijazen ida atu la repete filafali istória moruk violénsia pasadu nian.

#### II. Objétivu

##### A. Objétivu Jeral

Objétivu jeral hosi atividade Apoiu Iniciativa Peskiza ne'e mak atu kontribui ba rezultadu médiu prazu ne'ebé konjuntu atividade Centro Chega! nian hakarak atinje katak asegura *preservação da memória passado, educação para o valor da paz, direito homonos e apoiu vulneravel*.

##### B. Objétivu Espesífiku

Objétivu espesífiku mak atu kontribui ba rezultadu kurtu prazu katak *memoria istória prezervadu, protejidu no asesivel*.

##### C. Rezultadu Espetativa



Bazeia ba objetivu sira iha leten, rezultadu espetativa hosi atividade Bolsa Peskiza ne'e mak másimu iha ona instituisaun peskiza tolu (3) mak asesu ba fundu Bolsa Peskiza ne'e.

### **III. Orsamentu**

Iha tinan ida-ne'e Centro Chega! aloka fundu ho kategoria orsamentál *Transferencias Publica* hamutuk \$ 9,800.00 USD ne'ebé sei asesu hosi beneficiáriu na'in tolu.

### **IV. Kritériu Elejibilidade**

Bolsa pesquisa ida-ne'e bele asesu husi instituisaun no mós individuu. Kritériu sira mak hanesan tuirmai:

### **V. Proposta**

Proposta ne'ebé kualifikadu ba asesu fundu nian mak proposta ne'ebé hakonu kritériu sira tuirmai:

- 1) Apresenta abstratu ne'ebé klaru deskreve tema, objetivu peskiza nian, formulaun problema, metodolójia peskiza, rezultadu ka informasaun ne'ebé atu deskreve iha peskiza.
- 2) Apresenta introdusaun ne'ebé klaru, deskreve importansia no elevansia hosi tópicu peskiza nian, diskusaun sobre literatura relevante sira mak iha, objetivu sira no formulaun problema.
- 3) Apezena aprosimasaun no metodolójia peskiza ne'ebé klaru. Deskreve ho klaru faze sira ne'ebé sei hala'o hodi bele responde ba pergunta peskiza nian, inklui (a) selesaun ba sujeitu ka lokalidade hosi peskiza nian; (b) fonte sira; (c) instrumentu ba rekolla dados; (d) métodu rekolla dados; (e) pergunta xave sira; (f) prosedimentu ba elaborasaun, análise no interpreta dados; (g) apresenta mós diskusaun kona-ba asuntu étika peskiza nian.
- 4) Apresenta rezultadu esperadu ne'ebé forte.
- 5) Apresenta timetable ne'ebé detalla.
- 6) Apresenta proposta orsamentu ne'ebé razoavel.

### **VI. Submisaun Proposta**

Proposta submete ba Divizaun Prezervasaun no Memorializasaun!, anexa ho dokumentu sira hanesan tuirmai:

- Karta akompañamentu ne'ebé dirije ba Diretor Ezekutivu Centro Nacional Chega! I.P., Hugo Maria Fernandes.
- Ba intituisaun kompleta ho dokumentu komprovativu instituisaun nian hanesan (1) diploma rejistu notariadu instituisaun nian ka koñesementu hosi autoridade lokál ba grupu peskiza baze komunitária, (2) portofolio instituisaun nian ka lista obra ne'ebé instituisaun ka membru instituisaun sira prodús ona, (3) CV peskizadór prinsipál nian.
- Ba individu kompleta ho dokumentu sira hanesan (a) bilete identidade, (b) cv relevante, (c) resultado peskiza

## **VII. Prosedimentu Avaliasaun**

Prosedimentu avaliasaun nian sei halo iha faze rua. Primeiru, avaliasaun dokumentu no proposta. Segundu, apresentasaun direta. Iha faze primeiru ekipa juri sei avalia dokumentu no proposta tuir rekejitu no kualifikasaun ne'ebé iha hodi hetan *short list*. Iha faze segundu, kandidatu benefisiáriu ne'ebé selesionadu iha *short list* sei apresenta direita sira-nia proposta iha ekipa juri nia oin. Pontuasaun ba avaliasaun ikus nian inklui:

- 1) Kualifikasaun peskizador nian ka esperiénsia institusionál (30%)
- 2) Proposta (35)
- 3) Apresentasaun (35%)

## **VIII. Rezultadu Finál**

Benefisiáriu ne'ebé kualifikadu no selesionadu hodi hetan fundu Apoiu Inisiativa Peskiza nian iha obrigasaun atu fornese rezultadu finál ba Centro Chega! hanesan tuirmai:

- Relatóriu peskiza haktuir padraun sientífika.
- Ensaio narrativa sobre sujeitu peskiza nian ho kuantidade palavra 3000 to'o 5000 hodi publika iha *website* Centro Chega! nian.

## **IX. Maktaka**

Termu referénsia ida-ne'e prepara hosi Divizaun Prezervasaun no Memorializasaun (DPM) hodi sai nu'udar mata-dalan ba implementasaun atividade Bolsa Pesquisa nian. Nune'e sei sai hanesan baze ba serbisu parseria entre Centro Chega! no benefisiáriu sira.



11 Marsu 2025

Prepara hosi:



Maria Abrantes  
OPT

Verifika hosi:




Nolasco Mendes  
Xefe Dep. Peskiza Istórica

Sertifika hosi:



Yazalde Manaka Savio  
Diretor DPM

Aprova hosi:



Hugo Maria Fernandes 12/3/2025  
Diretor Ezekutivu

## **Anexu I: Formatu Proposta**

### **1. Abstratu (150-300 palavra)**

Esklarese tema, objetivu peskiza nian, formulaun problema, metodolójia peskiza, rezultadu ka informaun ne'ebé sei rekolla no deskreve iha peskiza.

### **2. Introdusaun (500)**

Esklarese importansia no relevansia hosi tópiku peskiza nian, haforsa ho dadús no informaun inisiál sira, diskusaun sobre literatura relevante sira, sublina objetivu no formulaun problema.

### **3. Metodolójia (500 palavra)**

Eskralereze faze sira ne'ebé sei hala'o hodi bele responde ba pergunta peskiza nian, inklui (a) selesaun ba sujeitu ka lokalidade peskiza nian; (b) fonte sira; (c) instrumentu ba rekolla dadus; (d) métodu rekolla dadus; (e) pergunta xave sira (f) prosedimentu ba elaborasaun, análiza no interpreta dadus; (g) apresenta mós diskusaun kona-ba asuntu étika peskiza nian.

### **4. Resultadu esperadu (150-300 palavara)**

Bazeia ba informaun inisiál sira, revizaun literatura, no aprosimasaun metodólójika ne'ebé iha, parte ne'e esklarese informaun saida mak peskiza ne'e sei halibur no deskreve ka rezultadu esperadu oinsá mak peskiza ne'e sei fornese.

### **5. Timeline**

Apresenta timeline detalla iha forma tabela.

### **6. Orsamentu**

Apresenta orsamentu detalla iha forma tabela.

### **7. Bibliografia**

Alista tuir alfabetu referénsia sira (livru no artigu sientífika sira) ne'ebé utliza ba hakerek proposta peskiza nian.